

## SECCIÓN AMENA

# UR ZALE BAT.

Lenguan pašano bat  
trabenan sartuta,  
ur guchi zuenetik  
ondocho artuta,  
arkitu zan ibilli  
eziñik aurtuta.

Gero irten zanean  
eherako andik,  
egiten zitubela  
ese-kara aundik,  
ala zion,—jaunak gaur  
gizon onek lan dik.

Eta zeladoriak  
ikusirik ala,  
iñork ez laguntzera  
eroriko zala,  
eta lepoa autsi  
bearra baitzala,

eldu zion gerritik  
lurra jo etzezan,  
eta chakur tokiyan  
preso para zezan,  
bañan erderaz zion  
pašanoak esan:

—Oyes tú, caballero,  
yo soy Juan Martín,  
(eta ez nazakala  
makillaz eman min),  
yo no aquí mi casa,  
San Martín, San Martín.—

Eta ala zirala  
jorik biyak lurra,  
autsi zituzten, batek  
eskuko egurra,  
eta besteak iru  
ortz eta sudurra.

Artan an gertaturik  
emazte Martiña,  
eta sendatu zezan  
Juan Martiñen miña,  
gurdi aundiyan zuten  
jaso San Martiña.

RAMON ARTOLA